


有部百一羯磨

籍

才二

三百廿九
傳二

50132



根本說一切有部百一羯磨卷第二

傳

唐三藏法師 義淨奉 制譯

尔時具壽鄔波離請世尊曰大德如世尊說
大世主喬荅弥由其愛樂八敬法故便是出
家及受近圓成苾芻尼性者大德餘苾芻尼
眾欲遣如何佛告鄔波離餘苾芻尼若先出
家未受近圓可隨次第如常應作若有在俗
女人發心欲求出家者隨情詣一苾芻尼處
尼即應問所有障法若遍淨者隨意攝受既
攝受已授與三歸并五學處成鄔波斯迦律

儀護

此言護者梵云三跋羅譯為擁護由受
歸戒護使不落三塗舊云律儀乃當義

詳譯

故云是律法儀式若但云護恐學者未
二俱存明了論中已譯為護也如是

應授先教求出家者今禮敬已在本師前雙
膝著地低頭合掌教作是語阿遮利耶存念
我某甲始從今日乃至命存歸依佛陀兩足
中尊歸依達磨離欲中尊歸依僧伽諸衆中
尊如是三說師云奧單迦譯為

荅云娑度

譯為善並
已注如前

次授五學處教云汝隨我語

阿遮利耶存念如諸聖阿羅漢乃至命存不
殺生不偷盜不欲邪行不虛誑語不飲諸酒
我某甲始從今日乃至命存不殺生不偷盜
不欲邪行不虛誑語不飲諸酒亦如是此即
是我五支學處是諸聖阿羅漢之所學處我

當隨學隨作隨持如是三說願阿遮利耶證
知我是鄔波斯迦歸依三寶受五學處師云
好荅云善

次請鄔波馱耶教云

譯為親教師言和上者
乃是西方時俗語非是

曲語然諸經律梵
本皆云鄔波馱耶

阿遮利耶

譯為軌
範師

存念我某甲今請阿遮

利耶為鄔波馱耶願阿遮利耶為我作鄔波

馱耶由阿遮利耶為鄔波馱耶故我當出家

如是三說後語同前至第三番應言由鄔波

馱耶為鄔波馱耶故

由近師位
故重言耳

次請一苾芻尼為白眾者彼應問本師云所

有障法並已問未荅言已問若問者善若不

問而白者得越法罪次為白衆一切僧伽當
須盡集或巡房告知次將至衆中致禮敬已
在上座前雙膝著地低頭合掌作如是語苾
芻尼僧伽聽此某甲從苾芻尼某甲希求出
家在俗白衣比未落髮願於善說法律出家
近圓成苾芻尼性此某甲若剃髮披法服已
起正信心捨家趣非家某甲為鄒波馱耶苾
芻尼僧伽為與某甲出家不此乃但是以言
白事不是羯磨
單合衆咸言若遍淨者應與出家俱問者善
如不問者得越法罪次為請苾芻尼作剃髮
者彼便盡剃其人後悔佛言應留頂上少髮
問曰除尔頂髮不若言不者應言隨汝意去

若言除者應可剃除次與洗浴若寒與湯熱
授冷水與著裙當須檢察恐是無根二根及
根不全等時苾芻尼露形檢察彼生愧耻佛
言不應露體而為檢察為著裙時應可私視
勿令彼覺次授縵條教其頂受為著衣已師
應為請苾芻尼與受求寂女律儀護者敬禮
敬已應在二師前雙膝著地低頭合掌教作

是語

二師可相近坐今弟子執親教
師袈裟角親見西方行法如是

阿遮利耶存念我某甲始從今日乃至命存
歸依佛陁兩足中尊歸依達摩離欲中尊歸
依僧伽諸眾中尊彼薄伽梵釋迦牟尼釋迦
師子釋迦大王如知應正等覺彼既出家我

當隨出在俗容儀我已棄捨出家形相我今
受持我因事至說親教師名親教師名某甲
如是三說師去好答去善次授十學處教去
汝隨我語

阿遮利耶存念如諸聖阿羅漢乃至命存不
殺生不偷盜不婬欲不虛誑語不飲諸酒不
歌舞作樂不香鬘塗彩不坐高牀大牀不非
時食不受畜金銀我某甲始從今日乃至命
存不殺生不偷盜不婬欲不虛誑語不飲諸
酒不歌舞作樂不香鬘塗彩不坐高牀大牀
不非時食不受畜金銀亦是此即是我十
支學處是諸聖阿羅漢之所學處我當隨學

隨作隨持如是三說願阿遮利耶證知我是
求寂女我因事至說鄔波馱耶名鄔波馱耶
名某甲師云好荅云善汝已善受十學處竟
當供養三寶親近二師學問誦經勤修三業
勿為放逸

若是曾嫁女年滿十二若童女年滿十八

應可

臨時隨事稱此應與六法六隨法二年今學應

說下皆准此

如是與先敷座已鳴健稚言白復周苾芻尼

僧伽隨應盡集極少須滿十二人於壇場中
令求寂女致禮敬已在上座前雙膝著地低
頭合掌作如是語

苾芻尼僧伽聽我求寂女某甲年滿十八我

因事至說鄔波馱耶名我從鄔波馱耶某甲
於二年內乞學六法六隨法我某甲今從苾
芻尼僧伽於二年內乞學六法六隨法我因
至說鄔波馱耶名某甲爲鄔波馱耶願苾芻
尼僧伽授我於二年內學六法六隨法攝受
拔濟我教示哀愍我是能愍者願哀愍故如

是三說

次一苾芻尼秉白二羯磨

苾芻尼僧伽聽此求寂女某甲年滿十八某
甲爲鄔波馱耶今從苾芻尼僧伽於二年內
乞學六法六隨法若苾芻尼僧伽時至聽者
苾芻尼僧伽應許苾芻尼僧伽今與求寂女

某甲年滿十八於二年內學六法六隨法某甲為鄔波馱耶白如是

次作羯磨

苾芻尼僧伽聽此求寂女某甲年滿十八某甲為鄔波馱耶今從苾芻尼僧伽於二年內乞學六法六隨法某甲為鄔波馱耶苾芻尼僧伽今與求寂女某甲年滿十八於二年內學六法六隨法某甲為鄔波馱耶若諸具壽聽與求寂女某甲年滿十八於二年內學六法六隨法某甲為鄔波馱耶者默然若不許者說苾芻尼僧伽已與求寂女某甲年滿十八於二年內學六法六隨法某甲為鄔波馱

耶竟苾芻尼僧伽已聽許由其默然故我今如是持

次應告言汝某甲聽始從今日應學六法

一者不得獨在道行

二者不得獨渡河水

三者不得觸丈夫身

四者不得與男子同宿

五者不得為媒嫁事

六者不得覆尼重罪

攝頌曰

不獨在道行

不獨渡河水

不故觸男子

不與男同宿

不為媒嫁事

不覆尼重罪

復言汝某甲聽始從今日應學六隨法

一者不得捉屬己金銀

二者不得剃隱處毛

三者不得懇掘生地

四者不得故斷生草木

五者不得不受而食

六者不得食曾觸食

攝頌曰

不捉於金等

不除隱處毛

不掘於生地

不壞生草木

不受食不食

曾觸不應食

若二年內於六法六隨法已修學訖可授近
圓師應為求五衣及鉢濾水羅卧敷具為請

作羯磨尼屏教師并入壇場諸苾芻尼既和

集已極少須滿十二人諸苾芻尼先可授其

淨行本法皆令三遍禮敬然敬有二種一謂

五輪至地

謂是額輪二掌輪二膝輪也

二謂兩手執師臚

足於此二中任行其一既致敬已應請鄔波

馱耶若先是鄔波馱耶或是阿遮利耶者隨

時稱說若先非二所者應云大德或云尊者

若請軌範師類斯應作當具威儀作如是語

鄔波馱耶存念我某甲今請鄔波馱耶為鄔

波馱耶願鄔波馱耶為我作鄔波馱耶由鄔

波馱耶為鄔波馱耶故當受近圓

此謂先是受十戒親

師教如是三說後語同前即於眾中在親教師

前師與守持五衣應如是教

邬波馱耶存念我某甲此僧伽胝譯為我今

守持已作成衣是所受用如是三說後語同

前下之四衣皆須別持准此應說

唄怛羅僧伽譯為安怛娑婆內衣譯為厥蘇洛迦

譯為僧脚崎譯為掩若是未浣染未割截物

若絹若布權充衣數者應如是守持邬波馱

耶存念我某甲此衣我今守持當作九條僧

伽胝衣兩長一短若無障難我當浣染割截

縫刺是所受用如是三說後語同前餘衣准

此此五衣者尼所要用三衣如舊餘二須論

上尼之過齊後掩繫以脣條在膝上二指此是西

方尼衆著裙之道儀唯此國一重裙更無餘服以是
煥地充事長道不者寒訛也量僧須多舊云厥是
修羅或云祇修羅者皆訛也其量僧脚掩者即佛
此方覆膊更長一肘正當其然後於上腋披佛
法制恐汗三衣先級通覆兩肩肩頭其後於上腋披佛
恂相似衣摠覆身元不露膊雙手不恂出歛與通腋披佛
膏前同阿育王像乃至禮敬三寶及受大戒在衫披佛
敢食之儀曾不輒許露出禮敬三寶及受大戒在衫披佛
皆如是一僧亦不同見此然敢食禮拜之在僧便時露
膊五如是皆亦不同見此然敢食禮拜之在僧便時露
無帶恂細法由疊布輕趂肩頭不墮此方綉
滑施帶來翻自傳授一家儀非閑佛所制復則
但由先來翻自傳授一家儀非閑佛所制復則
道覆肩衣然覆肩衣二者即僧一脚崎喚作僧支祇復則
支乃祇是傳言不帶本音覆肩律無斯物強復施其祇復則
兩名祇支似帶本音覆肩律無斯物強復施其祇復則
古舊祇支似帶本音覆肩律無斯物強復施其祇復則
開一邊事亦非本音合是厥酥洛迦而此縵偏方其祇復則
用亦未閑其當下裙也此等非厥酥洛迦而此縵偏方其祇復則
觀中西國未閑其當下裙也此等非厥酥洛迦而此縵偏方其祇復則
萬肯有國未閑其當下裙也此等非厥酥洛迦而此縵偏方其祇復則
不背隨新一即復委三的衣之故類設有廣如餘告言改執舊
爲違教之僊誰代而故類設有廣如餘告言改執舊

次可擎鉢搃呈大衆恐太小太大及白色等
若是好者大衆咸云好鉢不言者得越法罪
然後守持應置左手張右手掩鉢口上教云
鄔波馱耶存念我某甲此波怛羅是大仙器
是乞食器我今守持常用食故如是三說後
語同前

次應安在見處離聞處教其一心合掌向衆
虔誠而立其羯磨尼應問衆中誰先受請當
於屏處教示某甲彼受請者荅言我某甲
次問汝某甲能於屏處教示某甲某甲爲鄔
波馱耶不彼應荅言我能
次羯磨尼應作單白

苾芻尼僧伽聽此苾芻尼某甲能於屏處教
示某甲某甲爲鄔波馱耶若苾芻尼僧伽時
至聽者苾芻尼僧伽應許苾芻尼僧伽今差
苾芻尼某甲作屏教師當於屏處教示某甲
某甲爲鄔波馱耶白如是

次屏教師將至屏處教禮敬已如上威儀作

如是語

汝某甲聽此是汝具誠時實語時我今少有
問汝汝應以無畏心若有言有若無言無不
得作虛誑語汝是女人不答言是汝年滿二
十未若曾嫁女者問答言滿汝五衣鉢具不
答言具汝父母在不若言在者聽汝出家不

答言聽若言死者更不須問汝夫主在不若不
有若無隨時教答汝非婢不汝非宮人不若
言是者應問國主聽汝不汝非王家毒害人
不汝非賊不汝非憂愁損心不汝非小道無
道二道合道不汝非身常流血及無血不汝
非黃門不汝非汚苾芻不汝非殺父不汝非
殺母不汝非殺阿羅漢不汝非破和合僧伽
不汝非惡心出佛身血不汝非外道不現是
汝非趣外道不先已出家還歸
汝非賊住不汝非別住不汝非不共住不先
重汝非化人不汝非負債不若言有者應可
問言汝能受近圓已還彼債不言能者善若

不能者汝可問彼許者方來汝非先出家不
若言不者善如言我曾出家者報云汝去無
尼歸俗重許出家汝名字何荅名某甲汝
波馱耶字何荅云我因事至說波馱耶名
波馱耶名某甲

又汝應聽女人身中有如是病謂癩病癭病
癬疥疱瘡皮白癩瘦頭上無髮惡瘡下漏諸
塊水腫咳嗽喘氣咽喉乾燥閻風癩狂形無
血色噎噦嘔逆諸痔麻癰腫脚吐血癰座下
痢壯熱脅痛骨節煩疼及諸瘧病風黃痰癘
摠集三病常熱病鬼病聾盲瘖瘂矧小癰臂
支節不具汝無如是諸病及餘病不荅言無

汝某甲聽如我今於屏處問汝然諸苾芻尼
在於大眾中亦當問汝汝於彼處以無畏心
若有言有若無言無還應實荅汝且住此未
喚莫來

次屏教師前行半路向衆而立應作是語苾
芻尼僧伽聽彼某甲我於屏處已正教示問
其障法某甲為鄔波馱耶為聽來不合衆咸
言若遍淨者應可喚來咸言者善如不言者

招越法罪

其壇場法式及威儀進止
並如大僧已論審觀應作

應遙喚來既至衆中令於上座前如上威儀
當乞受淨行本法教作是語

苾芻尼僧伽聽我某甲今因事至說鄔波馱

耶名我從鄔波馱耶某甲求受近圓我某甲
今從苾芻尼僧伽乞受淨行本法我因事至
說鄔波馱耶名某甲為鄔波馱耶願苾芻尼
僧伽授我淨行本法攝受拔濟我教示哀愍
我是能愍者願哀愍故如是三說

次令至羯磨師前雙膝著地坐小褥子低頭

合掌虔誠而住女子人坐法與男不同作小褥

坐偏踞帖膝低頭合掌一尺厚三寸纔得支

西方受戒法皆如是也
其羯磨師應作單白問其障法

苾芻尼僧伽聽此某甲從鄔波馱耶某甲求

受近圓此某甲今從苾芻尼僧伽乞受淨行

本法某甲為鄔波馱耶若苾芻尼僧伽時至

聽者苾芻尼僧伽應許我於眾中檢問某甲
所有障法某甲為鄔波馱耶白如是

次問障法如上應知當作白二羯磨

苾芻尼僧伽聽此某甲從鄔波馱耶某甲求
受近圓是女人年滿二十五衣鉢具父母夫

主悉皆聽許有無之事如前問知苾芻尼僧伽已與二

年學六法六隨法此於二年已學六法六隨

法某甲自言遍淨無諸障法此某甲今從苾

芻尼僧伽乞受淨行本法某甲為鄔波馱耶

若苾芻尼僧伽時至聽者苾芻尼僧伽應許

苾芻尼僧伽今與某甲受淨行本法某甲為

鄔波馱耶白如是次作羯磨

苾芻尼僧伽聽此某甲從鄔波馱耶某甲求
受近圓是女人年滿二十五衣鉢具父母夫
主悉皆聽許苾芻尼僧伽已與二年學六法
六隨法此於二年已學六法六隨法某甲自
言遍淨無諸障法此某甲今從苾芻尼僧伽
乞受淨行本法某甲爲鄔波馱耶苾芻尼僧
伽今與某甲淨行本法某甲爲鄔波馱耶若
諸具壽聽與某甲受淨行本法某甲爲鄔波
馱耶者默然若不許者說苾芻尼僧伽已與
某甲受淨行本法某甲爲鄔波馱耶竟
苾芻尼僧伽已聽許由其默然故我今如是
持次當爲請作羯磨苾芻及請諸苾芻入壇

場者二部僧伽隨應盡集苾芻極少須滿十
人尼十二人教受近圓者令三遍禮衆禮有
二種如前已說於僧必須致禮尼衆執旃亦
得禮訖向上座前雙膝著地合掌而住教乞
近圓應云二部僧伽聽我某甲今因事至說
鄔波馱耶名我從鄔波馱耶某甲求受近圓
我某甲今從二部僧伽乞受近圓我因事至
說鄔波馱耶名某甲爲鄔波馱耶願二部僧
伽授我近圓攝受拔濟我教示哀愍我是能
愍者願哀愍故如是三說
次令至羯磨師所如前威儀師作單白問其
障法應如是說

二部僧伽聽此某甲從鄔波馱耶某甲求受
近圓此某甲今從二部僧伽乞受近圓某甲
爲鄔波馱耶若二部僧伽時至聽者二部僧
伽應許我今對二部僧伽問其障法某甲爲
鄔波馱耶白如是

次問障法如上應知次作白四羯磨應云二
部僧伽聽此某甲從鄔波馱耶某甲求受近
圓是女人年滿二十五衣鉢具父母夫主悉
皆聽許苾芻尼僧伽已與二年學六法六隨
法此某甲已於二年學六法六隨法苾芻尼
僧伽已與作淨行本法此女已能承事尼衆
稱悅其心清淨奉行於尼衆中無有憊失此

某甲今從二部僧伽乞受近圓某甲爲鄒波
馱耶

若二部僧伽時至聽者二部僧伽應許二部
僧伽今與某甲受近圓某甲爲鄒波馱耶白
如是

次作羯磨

二部僧伽聽此某甲從鄒波馱耶某甲求受
近圓是女人年滿二十五衣鉢具父母夫主
悉皆聽許苾芻尼僧伽已與二年學六法六
隨法此某甲已於二年學六法六隨法苾芻
尼僧伽已與作淨行本法此女已能承事尼
衆稱悅其心清淨奉行於尼衆中無有慙失

此某甲今從二部僧伽乞受近圓某甲爲鄔
波馱耶若二部僧伽時至聽者二部僧伽應
許二部僧伽今與某甲受近圓某甲爲鄔波
馱耶若二部僧伽聽與某甲受近圓某甲爲
鄔波馱耶者默然若不許者說此是初羯磨
如是三說二部僧伽已與某甲受近圓某甲
爲鄔波馱耶竟二部僧伽已聽許由其默然
故我今如是持

次應量影并告五時准苾芻法作

次當爲說三依法

汝某甲聽此三依法是諸世尊如知應正等
覺所知所見爲諸苾芻尼受近圓者說是依

法所謂依此善說法律出家近圓成苾芻尼
性故何為三

汝某甲聽一糞掃衣是清淨物易可求得苾
芻尼依此於善說法律出家近圓成苾芻尼
性汝某甲始從今日乃至命存用糞掃衣而
自支濟生欣樂不荅言欣樂

若得長利絀絹縵條小帔大帔輕紗紵布或
諸雜物若更得清淨衣若從衆得若從別人
得汝於斯等隨可受之知量受用不荅言受
用汝某甲聽二常乞食是清淨食易可求得
苾芻尼依此於善說法律出家近圓成苾芻
尼性汝某甲始從今日乃至命存以常乞食

而自支濟生欣樂不荅言欣樂

若得長利飯粥飲等若僧次請食若別請食
若僧常食若常別施食八日十四日十五日
食若更得清淨食若從衆得若從別人得汝
於斯等隨可受之知量受用不荅言受用汝
某甲聽三陳弃藥是清淨物易可求得苾芻
尼依此於善說法律出家近圓成苾芻尼性
汝某甲始從今日乃至命存用陳弃藥而自
支濟生欣樂不荅言欣樂

若得長利酥油糖蜜根莖葉花果等藥時及
更藥七日盡壽若更得清淨藥若從衆得若
別人得汝於斯等隨可受之知量受用不荅

言受用

尼無獨在樹下住法
是故但有三種依止

次說八墮落法

汝某甲聽有此八法是諸世尊如知應正等
覺所知所見為諸苾芻尼受近圓者說墮落
法諸苾芻尼於此八中隨一一事若有犯者
隨當犯時便非苾芻尼非沙門尼非釋迦女
隨失苾芻尼性此便墮落斷沒輪迴為他所
勝不可重收譬如斬截多羅樹頭不更能生
增長高大苾芻尼亦亦云何為八
汝某甲聽是諸世尊如知應正等覺所知所
見以無量門毀諸欲法說欲是染欲是潤澤
欲是愛著欲是居家欲是羈絆欲是耽樂是

可斷除是可吐盡可馱息滅是冥闇事汝某甲始從今日不應輒以染心視諸男子何況共行不淨行事汝某甲聽如世尊說若復苾芻尼與諸苾芻尼同得學處不捨學處學羸不自說作不淨行兩交會法乃至共傍生於如是事苾芻尼犯者隨當作時便非苾芻尼非沙門尼非釋迦女失苾芻尼性此便墮落斷沒輪迴爲他所勝不可重收汝從今日於此欲法不應故犯當生馱離般重防護起怖畏心諦察勤修作不放逸汝於是事能不作不答言不作

汝某甲聽是諸世尊如知應正等覺所

見以無量門毀不與取離不與取稱揚讚歎
是勝妙事汝某甲始從今日乃至麻糠他不
與物不以賊心而故竊取何況五磨灑若過
五磨灑

磨灑是數名有八十貝
齒元非是錢廣如前注

汝某甲聽如世尊說

若復苾芻尼若在聚落若空閑處他不與物
以盜心取如是盜時若王若大臣若捉若殺
若縛駢擯若訶責言咄女子汝是賊癡無所
知作如是盜於如是事苾芻尼犯者隨當作
時便非苾芻尼非沙門尼非釋迦女失苾芻
尼性此便墮落斷沒輪迴為他所勝不可重
收汝從今日於此盜法不得故犯當生厭離

殷重防護起怖畏心諦察勤修作不放逸汝
於是事能不作不答言不作

汝某甲聽是諸世尊如知應正等覺所知所
見以無量門毀於害命於離害命稱揚讚歎
是勝妙事汝某甲如從今日乃至蚊蟻不墮
故心而斷其命何況於人若人胎汝某甲聽
如世尊說若復苾芻尼若人若人胎故自手
斷其命或持刀授與或自持刀或求持刀者
若勸死讚死語言咄女子何用此罪累不淨
惡活爲汝今寧死死勝生隨自心念以餘言
說勸讚令死彼因死者於如是事苾芻尼犯
者隨當作時便非苾芻尼非沙門尼非釋迦

女失苾芻尼性此便墮落斷沒輪迴爲他所
勝不可重收汝從今日於此殺法不得故犯
當生馱離殷重防護諦察勤修作不放逸汝
於是事能不作不荅言不作

汝某甲聽是諸世尊如知應正等覺所知所
見以無量門毀於妄語於離妄語稱揚讚歎
是勝妙事汝某甲始從今日乃至戲笑不應
故心而爲妄語何況實無上人法說言已有
汝某甲聽如世尊說若復苾芻尼實無知無
遍知自知不得上人法寂靜聖者殊勝證悟
智見安樂住而言我知我見彼於異時若問
若不問欲自清淨故作如是說我實不知不

見言知言見虛誑妄語除增上慢或言我證
四諦理或言天龍鬼神來共我語得無常等
想得四禪四空六神通八解脫證四聖果於
如是事苾芻尼犯者隨當作時便非苾芻尼
非沙門尼非釋迦女失苾芻尼性此便墮落
斷沒輪迴爲他所勝不可重收汝從今日於
妄語法不得故犯畜生獸離般重防護諦察
勤修作不放逸汝於是事能不作不荅言不作
汝某甲聽如世尊說若復苾芻尼自有染心
共染心男子從目已下膝已上作受樂心身
相摩觸若極摩觸於如是事苾芻尼犯者隨
當作時非苾芻尼乃至諦察勤修作不放逸

汝於是事能不作不荅言不作

汝某甲聽如世尊說若復苾芻尼自有染心
共染心男子掉舉戲笑共期現相同處往來
在可行非處縱身而卧於是八事共相領受
於如是事苾芻尼犯者隨當作時非苾芻尼
乃至諦察勤修作不放逸汝於是事能不作

不荅言不作

汝某甲聽如世尊說若復苾芻尼先知他苾
芻尼犯他勝罪而不曾說彼身死後若歸俗
若出去方作是語尼衆應知我先知此苾芻
尼犯他勝罪於如是事苾芻尼犯者隨當說
時非苾芻尼乃至諦察勤修作不放逸汝於

是事能不作不答言不作

汝某甲聽如世尊說若復苾芻尼知彼苾芻

和合僧伽與作捨置羯磨苾芻尼亦復與

作不禮敬法彼苾芻於僧伽處現亦敬相希

求拔濟自於界內乞解捨置法彼苾芻尼報

苾芻言聖者勿於衆處現恭敬相希求拔濟

自於界內乞解捨置法我為聖者供給衣鉢

及餘資具悉令無乏當可安心讀誦作意時

諸苾芻尼告此尼曰汝豈不知衆與此人作

捨置羯磨苾芻尼與作不禮敬法彼苾芻起

謙下心自於界內乞解捨置法汝便供給衣

鉢等物令無乏少汝今應捨此隨從事諸苾

芻尼如是諫時捨者善不捨者應可再三懇
懃正諫隨教應語今捨是事捨者善若不捨
者苾芻尼於如是事隨當作時非苾芻尼乃
至諦察勤修作不放逸汝於是事能不作不
答言不作

攝頌曰

尼有八他勝

四同於苾芻

餘觸染男期

覆罪隨僧棄

次應為說八尊敬法

汝某甲聽此八尊敬法是諸世尊如知應正
等覺所知所見為苾芻尼制尊敬法是可修
行不應違越諸苾芻尼乃至命存應勤修學

云何為八

梵云婁嚕達摩婁嚕是尊義重義師義所恭敬義此字既合及義為

此比來譯者科隨其一於理皆得也

汝某甲聽如世尊說一者諸苾芻尼應從苾芻求受近圓成苾芻尼性此是世尊為苾芻尼制初敬法是可修行不應違越諸苾芻尼乃至命存應勤修學二者諸苾芻尼半月半

月應從苾芻求請教授尼人三者無苾芻處

不應安居四者若見苾芻犯過不應詰責五

者不瞋訶苾芻六者老苾芻尼應禮敬年少

苾芻七者應在二部眾中半月行摩那馳八

者應往苾芻處為隨意事此等八法是可修

行不應違越諸苾芻尼乃至命存應勤修學

攝頌曰

近圓從苾芻

半月請教授

依苾芻坐夏

見過不應言

不瞋訶禮少

意喜兩衆中

隨意對苾芻

斯名八敬法

次說沙門尼四種所應作法

汝某甲聽是諸世尊如知應正等覺所知所

見為苾芻尼受近圓者說沙門尼四種所應

作法云何為四

汝某甲聽始從今日若他罵不應返罵他瞋
不應返瞋他調不應返調他打不應返打有
如是等惱亂起時汝能攝心降伏瞋慢不返
報不荅言不報

汝某甲聽汝先標心有所希望作如是念我
當何時得於世尊善說法律出家近圓成茲
芻尼性汝已出家今受近圓得好如法親教
師及軌範師等和合僧伽秉白四羯磨文無
差舛極善安住如餘茲芻尼衆雖滿百夏所
應學者汝亦修學汝所學者彼亦同然同得
學處同說戒經汝從今日當於是處起敬奉
心不應厭離於親教師應生母想師於汝處
亦生女想乃至命存侍養瞻病共相看問起
慈愍心至老至死又於同梵行所上中下座
常生敬重隨順恭勤而為共住讀誦禪思修
諸善業於蘊處界十二緣生十力等法應求

解了勿捨善軌離諸懈怠未得求得未解求
解未證求證乃至獲得阿羅漢果究竟涅槃
我今爲汝於要略事舉其大綱餘未知者當
於二師及同學親友善應諮問又於半月說
戒經時自當聽受准教勤修爲說頌曰

汝於最勝教

具足受尸羅

至心當奉持

無障身難得

端正者出家

清淨者圓具

實語者所說

正覺之所知

汝某甲已受近圓竟勿爲放逸當謹奉行令
在前而去

根本說一切有部百一羯磨卷第二 傳

墾掘

其音上

物反懇下

脚崎

奇下丘

要脩

高下土

髀上

口上

瓦煖

煖字

膊博

音亦

恂細

上侯反

疊牒

音字

恹去

反掉

徒反

吊

窶嘈

主上

反其

詰責

一上

反起

那馳

也下

反卑

舛

軟下

反昌



